

ألتقي نفسي تعاندي وتلاوع لو قلت توبى
فجأة يغلبني حنيني وألقي لبوة زى روبى
أنسى توبتى وأعود أعربد في البلد سكران
21- ع الحالة دي قضيت م الرحلة زمن
من غير ما أعاني كا البداية من محن
والسر أني عرفت أن شعبها يحن
للى جاي عايز يهلس ويحب بنت الحان
22- لكن وبرغم ما تشوف صراحة من إنحلال
ها تشوف رجولة وشهامة و جمال ما لهش مثال
لكن الذنوب والمعاصي فسحوا ألف مجال
للفساد يتهنى فيها والهلس والبوظان



نسوان - 4

أرجوكم يا بتوع وجه بقرى تلموا دى النسوان
وبلاش تخلوها تسافر لوحدها أو مع شحط جبان
يشتغل لها قواد أو يطلعوا سوا يطلبوا إحسان
واللى عليه دفع التمن قهرا العامل الغلبان
اللى بيدوسه الزمن وبسببكم كل يوم يتهان
1- لا تقوالوا ليه تتكلم عن حكاية ليها سنين
وما تنساش 12 - 10 محافظة عايزين كده يا فطين
ونسوانهم أشطر أهى بتكسب الملايين

وبتسافر بدون راجلها بعيل واحد رجلين أبوه حافيين
سنتين وترجع برانيا وداليا وصفوت وإيمان
2- فى يوم سبوع داليا تعزم الجيران قريب وبعيد
ستات وبنات و أم أحمد وخالتك أم وليد
ويوم عيد ميلاد رانيا تخليه كيوم العيد
ويوم نجاح سى صفوت تجيب فرقة أم وحيد
أما فى ظهور إيمان تفرق عالجميع شربات
3- علشان هيه ما خسرتش حاجة لازم تصرف
عارفه إنه ما حدش عن سر الفلوس يعرف
و إن قالوا كلمة شرف ألفين يمين تحلف
إنها من أم المسيح ومن بنات المرسلين أشرف
أما حكاية ولادها تطلع شهايد ميلاد تثبت البرهان
4- إنها سافرت بصفوت وعمره سنتين و 20 يوم
وحملت برانيا وولدتها قبل ما توصل السلوم
والتالته عالحدود باسها جوزها قدام جميع القوم
والرابعة داليا جالها خياله فى عز النوم
ونام معاها حتى إسألوه أهو بره فى الدكان
5- و لخرى اللى مسافرة وجوزها المتعوس وياها
التخينة البيضة أم قمطة على قورتها رابطاها
هى عليها تدور وهو يعد فى كراها
كانت لهم حكاية من شهرين وعمرى ما أنساها
لما خدوها من الشارع بالنهار ثلاث شبان
5- وكانت لابسة جيبة حرير من بلاد برة
فوقها جونلة سموكن مطروز على صدرها زهرة

- قالت لهم ثلاثين قالوا لها عشرة
وهبا سحبوها فى سيارة كانت حمرة
ماركيتها هوندا 88 والصنع فى اليابان
- 6- رجعت متغاظ لاقيت جوزها بيحكى فى موضوع
بيعدد فى حسنات مراته اللى داخله فى مشروع
بيقول دى بنت حلال بتشتغل طوال الأسبوع
لا تكل لا تمل لا تخلىنى أبات بالجوع
أدى دعواتك يا أمى اللى كانت فى كل آدان
- 7- رجعوا التلات شبان يحكوا فى هوى لوزة
واحد يقول يا سلام أما سوتها منغوزة
وواحد يقول آه لما بلسانها كانت تلاعب الموزة
يقول تالتهم يا ويلي لما كانت تشد عالجزوة
وترفع حاجبها وتقول إمسك بآه الرمان
- 8- الأولانى نطق قال والله مثلها ما رأيت
قام قال تالتهم لازم نروح لها عالبيت
وناخذ شوية فواكه وكمان قزازة نبيت
نصب ونحب وإن لاقينا جوزها العفريت
التانى قال له نعمل روحنا بنسأل عن الجيران
- 9- سمعت طرف الكلام حلفت يمين ما أتعشى
غير لما أشوف ها يحصل إيه وطلعت أتمشى
لاقيت الجماعة دول اللى عاملين دى الدوشة
بيتخانقوا مع الصنایيعية المغتربين إالى فى الورشة
فرقة تقول شعب ساقط والآخرين يقولوا شعب جبان
- 10- عرفت واحد منهم نجار موبليا تحلف تقول قلفاط

- ومعاه ثلاثة أربعة شغالين فى معمل بلاط
وجنب منهم عليوة ابن شحاتة علي الخياط
دا غير جدع أسمر سفيف شغلته خراط
قال يا جماعة مافيش داعى والعنوا الشيطان
- 11- صاحبنا سكتوا وصحاب البلد قالوا مش معقول
يشتمونا شوية غجر عايشين عالوصل والفول
و عشان نصهم كان سكارى والباقي كان مسطول
هبا إنخلع من السكارى جلف وراح على طول
ضارب صاحبنا المكلبظ ضربتين وقع فى ثوان
12- النجار وقع مطرحة الخياط زعق فى عتاب
كفاية يا جماعة كده دا إحنا ناس أغراب
نضرب لنا حد نروح فى سين وجواب
ونضيع ما بين المحاكم وهبا خبط الباب
وقال بلاها لمة هنا وسكر الدكان
- 13- بالصدفة ماشيين جعايدة بيبيعوا فى السوق خضار
سألوا الحاضرين ع الحكاية قالوا صار وصار
أتارى فيهم غبى شغلته جزار
سحب سكين من هدومه وقال ليه المسكنة والعار
وميل على صاحبنا اللي ضارب وراح غازة فى المصران
- 14- قبل ما تيجى الأسعاف كان جا البوليس
ساب السكارى وميل فى الاسطوات تحبب
والسب والضرب وقالوا ملعون أبو رمسيس
أما صاحبنا الجعيدى فأكل لما إستوى تبكيس
دا غير ذراعه اللي إنكسر من الضرب بالخزان

15- وعلشان المحكمة حولت المحضر على الجنايات
حكمت المحكمة عالجعيدى بالحبس ثلاث سنوات
صرخ وقال مين يروح لبتوع الجوازات
يلعن أبوهم ويضربهم بأوسخ المداسات
ويتوصى ببتوع الهجرة والجنسية كمان وكمان
16- أما لوزة وجوزها لا همهم الشاكي ولا الباكي
غير فصلت فستانين وقالت للترزي حزقهم على وراكي
وبعتت لأختها تجيب بنتها أم التايير كاكى
قالت أجي أشتغل إيه؟ قالت يا دوب بس تت؟؟؟؟
نهايته بلاوى الناس فى بلادها وفضايحنا فى كل مكان



عنبر عشرة 5

يا عنبر يا عشرة ما فيش في السجون
مثلك يا عترة يا نبع الجنون
السجون لما تبقي في ألفة ووفاق
أتابعك وألقي عراك أو خناق
جيرانك نهارهم في نوم أو في صوم
وانته جوارهم في كرب وهموم
وناس ليلها صاحية تصلي القيام